

BizUp Goes Local:

Otvoren poziv za učešće preduzetnica sa područja Doboja i Prijedora

Nakon uspješno implementirana četiri izdanja BizUp programa, **Fondacija 787** u saradnji sa **Gradom Doboju** i **Gradom Prijedoru**, te uz podršku konzorcija **Caritas Švicarska - Niras** u sklopu projekta "Lokalni ekonomski razvoj u BiH", objavljuje poziv za prvo izdanje "**BizUp Goes Local**", programa podrške mikro i malim biznisima koje vode žene sa područja ova dva grada.

"BizUp Goes Local" je osmomjesečni program podrške koji će se po prvi put implementirati u periodu od septembra 2024. godine do aprila 2025. godine, za grupu od 15 preduzetnica koje su svoj biznis osnovale u Doboju ili Prijedoru. Cilj programa je obezbijediti podršku preduzeticama pri prevazilaženju ključnih poslovnih izazova, savladavanju novih vještina i znanja iz različitih poslovnih oblasti, te samom unapređenju poslovanja i vidljivosti biznisa.

Odabrane polaznice programa dobijaju priliku za:

- učešće u 7 interaktivnih radionica i predavanja sa stručnjacima/kinjama iz različitih oblasti,
- pristup jedinstvenoj F787 edukativnoj platformi sa velikim brojem različitih edukativnih materijala,
- individualnu mentorsku podršku sa ciljem poboljšanja poslovanja odabranih biznisa na osnovu potreba mapiranih nakon provedenog dijagnostičkog procesa,
- stručne konsultantske usluge eksperata/ica koji će se fokusirati na jačanje i rast biznisa,
- učešće na Samitu osnivačica biznisa 2025 koji će se održati u martu 2025. godine, te
- dodjelu bespovratnih finansijskih sredstava u iznosu 6.000 KM po biznisu, za utrošak u skladu sa dogovorenim ciljevima u direktnoj vezi sa rastom poslovanja, te unaprijed definisanim kriterijima.

Kriteriji koji će se uzimati u obzir pri selekciji prijavljenih preduzetnica su slijedeći:

- biznis treba biti registrovan u na području Grada Doboju ili Grada Prijedor u bilo kojoj formi, najmanje 12 mjeseci u trenutku apliciranja,
- osnivačica/vlasnica ili većinska suosnivačica/suvlasnica biznisa je žena (bez obzira kojoj starosnoj skupini pripada),
- preduzetnica se suočava sa izazovima da samostalno dovede svoj biznis do tačke rasta poslovanja,
- ukoliko su ispunjeni prethodni uslovi, prednost se dodjeljuje biznisima koji imaju element inovacije i/ili je moguće identifikovati potencijal za skalabilni rast poslovanja, te biznisima koji imaju društveno odgovornu komponentu tj. doprinose zajednici, biznisima koji posluju u ruralnim i slabije razvijenim mjestima, biznisima koje vlasnice vode radeći u njemu na puno radno vrijeme,

te biznisima gdje je izražena spremnost preduzetnice da se aktivno posveti učešću u cjelokupnom programu.

Većina programa će biti realizovana u **online formatu**, uz izuzetak prisustva na uvodnom događaju planiranom za septembar/oktobar 2024. godine, te učešće na Samitu osnivačica biznisa u martu 2025. godine. Učešće odabranih polaznica je besplatno.

Poziv je otvoren **do petka, 09.08.2024. godine (do kraja dana)**, a svoje prijave šaljete isključivo elektronskim putem popunjavanjem [OVOG PRIJAVNOG OBRASCA](#).

Fondacije 787 već deset godina, kroz veliki broj preduzetničkih programa, uspješno saraduje s preduzetnicima i preduzeticama iz cijele BiH i regiona, s ciljem razvoja njihovih biznisa i inovativnih ideja, ali i unaprjeđenja poslovanja na inostranom tržištu. Kroz svoj rad fondacija za cilj ima i zagovaranje dobrih praksi, kao i predlaganje niza aktivnosti i procesa kako bi se stvorila što uspješnija klima u preduzetničkom ekosistemu u BiH.

Za sva dodatna pitanja u vezi sa programom možete nas kontaktirati putem sljedećih kontakata:

- Fondacija 787: Amela Brčaninović - amela@f787.ba
- Grad Doboj: Rado Đurđević - investicije@doboj.gov.ba
- Grad Prijedor: Nataša Zorić - natasa.zoric@prijedorgrad.org,
Rade Rosić - rade.rosic@prijedorgrad.org